

)(2^r

Dem Durchleuchtigen/ Hoch^z
gebornen Fürften vnd Herren/ Herren Georg Friede^z
rich/ Margkgrauen zu Brandenburgk/ zu Stättin/ Poñern/ der
Caffuben vnd Wenden/ auch in Schlefien/ zu Jägerndorff/ 7c. Hertzog
der Fürftenthumb Oppeln/ 7c. Burgkgrau zu Nürnberg/
vnd Fürften zu Rugin/ 7c. meinem gnädigen
Fürften vnd Herren.

DVrchleuchtiger/ Hochgeborner Fürft/
Gnädiger Herr E. F. G. feindt mein vnderthänig
gutwilliger dienft/ bereits fleiß jederzeit zuuor/ 7c.
Gnädiger Fürft vnd Herr/ Wir leben vnd befin^z
den vnder andern löblichen Hiftoriē der altē Rö^z
mer vnd Griegen/ Wie daß die fürnemften bey
jnen in Ehren/ auch für die beften gehalten wor^z
den/ welche mit höchstem fleiß jhres vermögens/
dem gemeinen nutzen etwas zugut entdeckt/ vnd gedient haben/ Darauff
dann auch die Lacedemonier befondere Gefatz hetten/ vnd keinen Burger
noch Einwohner annamen/ er hette dann zuuor dem Vatterlandt etwas
erfprießlichs zu gutem erdacht/ gemacht/ vnd zukommen laffen/ vnd gar
nicht angefehen/ auff was form/ maß/ oder ziel/ folches gefchehen möchte/
Dann es allein bey jhnen darfür gehalten/ daß nicht ein jeder mit feinem
Haab vnd Gut/ dem gemeinen nutzen behilfflich fein kündte oder möch^z
te/ Sonderlich dieweil bey allen Nationen/ mehr armer dann reicher be^z
funden werden/ So weren auch nicht alle/ die da reich/ von natur der ge^z
fchicklicheit begabt oder geboren/ daß fie etwas mit gutem rath der Ge^z
mein hetten oder wiften vorzuftehen/ Vnd dieweil folches ein alte gewon^z
heit/ welche von anfang der Welt her/ biß auff diefe gegenwertige zeit/
bey ermeldten fürtrefflichen Leuten gewert/ vnd gehalten worden/ follen
wir nicht allein folch herkommen/ fitten vnd gebräuche/ mit ruhmreichen
freuwden bedencken/ fondern auch nachfolgen/ demnach ein jeder luft/ an^z
mut/ oder neigung hat/ wie man dann erfehret/ daß einer dem andern in
dem/ was jhm die natur eingepflantzet hat/ vorgehet/ alfo daß etliche mit
leben/ fchreiben/ difputieren/ fingen/ fpringen/ jagen/ beißfen/ andere aber
mit Stechen/ Fechten/ Kämpffen/ Thurnieren/ Kriegen/ Scharmützeln/
Sturm/ Zug/ vnd Schlachtordnungen/ oder dergleichen/ Ritterfpielen/
ihr zeit verzehren vnd vertreiben/ 7c.

Vnd wiewol nun das kriegen am fchädlichften vnder allen diefen

)(ij dingen

)(2^v

Vorrede.

dingen zu erfahren iſt/ deßhalb ein altes Sprichwort erwachſen/ daß folches niemandt anmütiger vnd luftiger ſey/ dann denen/ welche es mit ſchaden nie verſucht noch erfahren haben/ daher auch etliche Gelehrte/ auß vernünftigen guten vrfachen ſchließen/ daß vnder allen andern dingen die gleichwol auch vbels auff jhn haben/ der Krieg als das ärgſt/ vnd ſchädlichſt zumeiden vnd zufliehen ſey.

So hat es doch mit dieſer letzten vnruwigen Welt die gelegenheit/ daß das gegē gemein Sprichwort auch wahr/ welchs alſo lautet/ Gutes fridens ziel/ nit länger wert dann ſein Nachbauwr wil/ Wo man ſich des nit kan erwehrr/ muß Krieg durch not ein tugendt gebern.) Daher folgt/ ob wol menniglichen zum frieden auffß höchſt geneigt ſey/ daß man doch auch zum Krieg/ auß folgenden vrfachen/ in guter bereitſchafft ſtehen/ vñ ſich vor vnrechtmäßigem gewalt mit Gegēwehr wol ſchützen vñ auffhalten ſoll vñ mag/ damit der böß geſtrafft/ vnd der from̄ ſampt dem Vatterlandt beſchütztet vñnd erhalten werde/ Derwegen ſich von anbegin der Welt her/ viel weiſer/ hochuerſtändiger leut nit geſchāmet/ das Schwert in die Handt zunemen/ ſich deſſen zugebrauchen/ vñnd alſo gantz wolbedächtiglich zu der Gegenwehr gegriffen.

Dieweil aber dardurch viel armer leut/ Witwen vnd Waifen (welche doch deß ſchutzes vnd ſchirms am aller nottūfftigſten) gemacht/ verderbt/ verhergt/ ins elendt gejagt vñ vertrieben/ darzu beraubt/ geplündert/ verbrēndt/ ja auch wol gar vmbgebracht/ vñnd alſo ſchändtlichen mit jhnen gehandelt worden/ ab welchem doch die Heiden vor vnfern zeiten ein groß abſcheuwen gehabt/ iſt bey etlichen vor der zeit dieſer gebrauch erwachſen/ daß folcher vnfrieden/ zorn/ neid/ oder haß/ zwifchen jhnen auff ein freyen Kampff/ ſonderer Perſonen angeſtelt vnd gehalten worden/ damit folcher armer leut verderben/ ſampt vnſchuldiges Blut vergieſſen/ verhūt vñnd vermitteln bleibe.

Solches wil aber dieſer vnfer zeit nicht mehr fug oder ſtatt haben/ ſondern muß alles durch groſſe menning vnd hauffen Kriegßvolck zu Roßz vñnd Fuß/ ſampt vnzahlbarlichem Geſchütz/ Sturm/ Scharmützel/ vnd Feldtſchlachten geſchwinden vorthail/ Liſt/ Rānck/ Anſchlag/ vñnd Practicken verricht vnd zu endt gebracht werden/ Alſo vnd der geſtalt/ daß oft ein minders/ gerings/ oder kleines/ etwan ein groß/ ſtarck/ wehrhaft Volck bezwingen/ vberwältigen oder in andere weg mit geſchicklichkeit außharten vnd erwarten kan/ diß er ſein gelegenheit gleich wol erficht/ vnd weiß/ zu welchem dann die erfahrenheit nit geringe hilff oder befürdernuß gibt/ beuorab wo Ehr vnd nicht der eygen nutz oder Finantz vñnd

ORDA16 D3104

Vorreden:)(2^r-)(4^v, E4^v-E5^r, L2^v, R6^v-S1^v, Aa1^v-Aa2^r, Ff6^r-Gg2^r,
Pp3^v, Pp4^r-Pp5^v, Ccc3^v, Ddd6^r-Eee1^v, Eee2^r-Eee3^r

betrug regirt/ dann wie groß/ mächtig oder ftarck ein Kriegßuolck jmmer
fein

)(3^r

Vorrede.

fein kan oder mag/ wo nicht darbey der fug vnd gerechtigkeit/ sampt geträuwe vnd erfahne Oberften/ Hauptleut vnd andere Beuelchshaber/ gegenwertig/ auch der Gemein vor dem eygen nutzen bedacht/ vnnd wenig vertröftung auff Reichthuñ/ Geitz/ Gewalt/ Gelt/ vnd Gut gefetzet/ zu dem/ vnd darneben alle Vnzucht/ Schandt vnd Lafter abgelegt/ vnnd an dero ftatt gute Chriftliche gebräuch/ fitten vnd tugenden (zu welchem dann ein jeder Kriegßmann mit höchstem fleiß vnd vermögen beftes verftandts bedacht/ vnd verhoffen fein foll) geordnet vnd befördert würden/ daß damit wenig außzurichten/ wie dann deffen allerhandt Exempel bezeugen/ Derhalben meniglich rath vnnd Sprach darzu zugeben fchuldig/ wie vnnd welcher gefalt man doch in dem allernötigften Werck gegen dem Erbfeindt vnnd Verfolger vnfers Chriftlichen Namens dem Türcken etwas neues/ an guten fitten vnd gebräuch/ zu einem behelff vnnd Gegenwehr erdencken möchte/ auff daß vnnd damit wir doch nicht jmerzu alfo gegen jm vnden lägen/ zu hohn/ fchandt vnd fpott würdē/ darzu were dann fürnemlich fehr nützlich vnd gut/ daß man für die junge vn erfahne/ gute alte wolgeübte Kriegßleut/ zu Amptsverwaltern fetzte/ fo würde es on zweiffel anderft (wann bißhero gefchehen) von ftatten gehen/ dann jhr viel gewelt/ vnnd noch auff den heutigen tag fein/ welche in dem fall oder orth/ fchier die höchften Beuelch oder ämpter haben/ aber jhr lebenlang dem Krieg nie beygewohnt/ wil gefchweigen/ daß fie oder folche in Kriegßläuffen etwas erfahren/ Züg oder rechte Schlachtordnungen gefehen oder machen helffen/ viel weniger Sturm/ Scharmützel/ oder Feldtchlachten/ erobern/ gewinnen/ oder verlieren helffen/ oder daß fie vns ein rechts Quartier/ oder Feldtläger vor Stätt/ Flecken/ Schlöffern/ vnd dergleichen/ auffgeworffene Schantz vnd Wagenburgen/ gefchloffen oder gefchlagen/ ein wiffenfchafft hetten/ noch dannoch werden folche Leut/ durch gunft/ Mieth/ vnd Gaben/ zu difen wichtigen fachen gebraucht/ was aber damit außgericht/ gewonnen/ eingenommen/ vnd erobert/ oder wie es zun zeiten gelungen/ das hat die erfahrenheit mehr dann zu viel befchwerlich zu erkennen geben.

Auß folchen vnd dergleichen vrfachen hab ich mich defto lieber vnderfangen/ von angedeuteten Kriegßfachē/ im thun oder laffen/ ein kleine meldung/ sampt augenfcheinlichen Figuren dargethan/ vnd zu meinem hievor der zeit außgegangenem Kriegß Rechten Buch/ dē einfältigen zu gut für die augen zufellen/ aber doch keines wegs der meinung/ jemandt dadurch zuuerachten/ noch zuuerkleinern/ fondern meiftes theils dar

ORDA16 D3104

Vorreden:)(2^r-)(4^v, E4^v-E5^r, L2^v, R6^v-S1^v, Aa1^v-Aa2^r, Ff6^r-Gg2^r,
Pp3^v, Pp4^r-Pp5^v, Ccc3^v, Ddd6^r-Eee1^v, Eee2^r-Eee3^r

umb/ dieweil viel Jar hero allerhandt Bücher von Geift vnd Weltlichen
) (iij fachen

)(3^v

Vorrede.

fachen/ dem gemeinen nutz zu gutem an tag gegeben worden/ aber noch keiner von der Teutſchen KriegßOrdnung/ welen/ litten/ vnd gebräuch/ Jtem/ von beuelch/ ämptern/ vnnd dergleichen/ ſich etwas vollkommenlich oder weitläuffig zuuerzeichnen vnderfangen.

Daß ich demnach den Teutſchen/ vnd meinem Vatterlandt zu ehren/ in dieſem fall vnd eben in dem/ dahin ſich mein Profellion ertrückt/ auch in vielen Kriegßzügen/ bey ehrlichen/ Itattlichen berühmten Oberſten geſehen/ erfahren vnd gelehrt/ hiemit auch dienen wöllen/ Vnd wirt erftlichen vermeldt/ welcher maſſen vnd geſtalt/ das Ritter oder Reutter Recht/ ſampt der Beſtallung oder FeldtOrdnung/ vonn der Ritterſchafft vnd Adel volltreckt/ mit anzeig/ dero beuelch/ ämpter/ thun vnnd laſſen/ auch notwendiger Artickel/ 7c. Volgendts wie vnnd wann auſſer oder innerhalb der geraden/ krummen/ ſchlechten/ gewelbten/ bogen/ Sternecken/ Tryangels weiß/ oder Schlangen Schantzen/ ſampt den einfachen oder gedoppelten beſchloſſenen Wagenburgen/ von Schiffbrücken/ vnd dergleichen bedeckt vnd bewart/ zu Waſſer vnd Landt/ zu oder von den Feinden/ ſicher an vnd abzuziehen/ Deßgleichen wie gegen Beſatzungen der Feſtungen/ mit bereyten/ rennen/ ſchweiffen/ treiffen/ beſichtigen/ vor vnd nachtreffen oder ziehen/ in Scharmützel/ Sturm/ vnd Feldtſchlachten/ ſonderlich gegen dem Erbfeindt/ mit gutem zeitigem Rath/ Vber vnd Anſchlägen zu handeln/ darzu Kriegßuolck/ Gelt vnnd Geſchütz/ ſampt Munition aller notturfft nach/ auffzubringen/ damit man zu Waſſer vnnd Landt gegen den Feindt gefalt ſein mög/ ſampt vielen andern alten vnnd neuwen KriegßOrdnungen/ vorthail/ liſt/ vnnd ränck/ darzu dienftlichen begriffen.

Jtem/ welcher maſſen auch hauffen zu Rolß vnnd Fuß gegen einander vor dem angriff halten/ vnnd zutreffen pflegen/ mit vorthail der Windt vnnd Luft/ gegen oder wider die Freundt oder Feindt/ vnder augen/ gegen oder von jhnen/ im fall auch Reiff/ Nebel/ Regen/ Schnee/ Berg oder Thal/ die Züg oder SchlachtOrdnungen verhindernen/ wie ſich in in dem allem/ mit wenden/ ſchwencken/ vnd machen der Ordnungen/ zu der rechten oder lincken ſeiten/ Jtem/ den Flügeln/ vorn oder neben auß/ zu dem angriff vnd einer hinderhut zuuerhalten/ an was vnd welches ort jeder Hauff/ ſampt dem Geſchütz einander zu hilff kommen/ vnd entſetzen ſollen/ Auch beſichtigung der Feindt oder Gegentheil gelegenheit/ macht vnd Itärke/ ob viel oder wenig der Perſon/ Hauffen vnd Geſchütz/ wider ſie gericht/ geſtelt/ vnd geordnet ſey worden.

ORDA16 D3104

Vorreden:)(2^r-)(4^v, E4^v-E5^r, L2^v, R6^v-S1^v, Aa1^v-Aa2^r, Ff6^r-Gg2^r,
Pp3^v, Pp4^r-Pp5^v, Ccc3^v, Ddd6^r-Eee1^v, Eee2^r-Eee3^r

Jtem/

)(4^r

Vorrede.

Jtem/ was auch in folchem fall einem vor dem andern/ vor oder in Feindts nöten zuerrichten/ gebür/ Jtem/ wie das Fußvolck vnd Gereyfigen/ sampt der Arthollerey/ fo vnderfchiedlich den Perfonen vnd Regimenten/ nach befonder Quartiert vnd gelägert/ in fried oder lermens zeiten/ vnuerhindert auß vnnd einkommen mögen/ mit weiterer anzeig/ der Gegentheil geheim zu erlangen vnd zu erfahren/ was gefalt auch auffser oder innerhalb den Schantzen/ hoch vñ nidrige Streich vñ andere Wehren/ Jtem/ auffgeworffene Katzen/ Paftey/ Rundel/ Bollwerck/ gedoppelt oder einfache Wagenburg vnnd Gräben zumachen/ was darein für groß vnd klein Gefchütz/ vnden/ oben/ mitten/ neben/ hinden/ vnd vornen zuordnen vnd zuführen/ wie die gericht/ abgefchoffen/ vnnd mit leuten der Gegenwehr ftarck gnug/ vnd dem widerftandt zuuerharren/ der notturfft nach/ im angreifen oder abziehen verfehen werden foll/ Warzu vnd wie die Reutter/ Schützen/ Renn/ Breun/ Blut vnd andre Fahnen oder Panier zugebrauchen/ sampt anhenckung vnd vnderfchiedlicher vermeldung/ aller hoch vnnd nidriger Perfonen/ als des Fußvolcks Oberfter/ Hauptleut/ Leutenampt/ Fänderich/ Feldt/ Gerichts/ Gemein/ vnd Hurenweibel/ Führer/ Furirer/ Schreiber/ Caplan/ Feldtfcherer/ Rottmeister/ Pfeiffer/ Trommenfchlager/ Spenditors/ Läufer/ Ambofators/ gemeiner Knecht/ Hackenfchützen/ Doppelföldner/ Prouoß/ Schultheiß/ vnd Gerichts beuelch vnd ämpter/ 7c.

Dergleichen was der Zeug/ Zahl/ Mufter/ Pfenning/ Schantz/ Rott/ Quartier/ Wach/ Brañt/ Gefchirr/ Wagen/ Prouiant/ vñ Büchfenmeister/ Ampts vnnd Beuelch fey/ ob/ wie/ vnnd wann auch die Gereyfigen oder Fußvolck/ Start/ Halt/ Schar/ Schildt/ vnd mit gantzen Fahnen wachen/ weit oder nach/ von oder bey dem Läger halten. Vnd zu was zeiten lie anziehen/ auff vnd abgelößt/ geltelt vnd geführt/ auch welche heut vor/ vnd morgen nachziehen/ vnnd wachen/ auch ob die freyen Schützen vorn oder bey dem Hauffen lich verhalten/ vnd viel oder wenig in eim Gliedt/ mit lang oder kurtzen Wehren/ geltelt werden follen/ sampt einführung/ wie die Fändlin zu bedecken/ damit folche auff alleweg mit Doppelföldnern vnd Hackenfchützen bechloffen vnd bewart werden.

Weiter vnd letztlich/ wie es auch mit der Ritterfchafft vnd Adel der Gereyfigen Oberften/ Leutenampt/ Hauptleut/ Rittmeister/ Fänderich/ Rott/ quartier/ Wach vnd Prouiantmeister/ Trommeter/ Hehrbaucken/ sampt and⁹n beuelch vñ ämpter der Reutter gefchaffen/ vñ fonft mit and⁹n
mehr

)(4^v

Vorrede.

mehr hinzu dienftlichen/ inhalt/ alfo daß diß Werck den grôften theil des gantzen Kriegß gebrauch in sich helt vnd begreiff/ 7c.

Vnd wiewol folches alles nicht mit zierlichen worten/ wie dann der zeit gebrâuchlichen außgefûhrt wirt/ wie es auch mein/ als eines Kriegßmanns thun vnd wesen nicht ift/ fo hab ich doch vmb deffelben willen/ vnd in bedenckung/ daß in diefem Werck mehr an dē gemeinen vñ leichten verftandt/ dann an der Wolredenheit gelegen/ daffelb nit erfitzen laffen/ fonder es alfo mit fchlechten worten an tag geben wôllen/ welches villeicht dem Lefer mehr verftandt vnnd nutz/ dann auff den andern weg bringen wûrdet/ vnd wiewol ich mich viel zu gering erkenne/ folches Werck E. F. G. zu dedicieren/ So haben mich doch hiezu/ fonderlich die ftattliche hochberûmpte Heroes/ fo auß dem hochlôblichen/ Churfûrtlichen Hauß Brandēburg erboren/ vnd deren Thatē hin vñ wider/ in den Chronicken vermeldt/ vnnd dann auch das E. F. G. ich felbft auch des hochlôblichen/ Fûrtlichen tugentlichen Gemûth weiß/ daß fie geringe Gaben nicht verachten/ bewegt vnd verurfacht/ diefes Werck alfo vnder E. F. G. Gnâdigem fchutz vnd fchirm außgehn zulaffen/ damit es vor dem Tadler vñ vnfreundlichem Lefer ein behilff haben/ vnd Gleich wie man in einē Krieg oder Feldtchlacht Ordnung/ die Fândlein vnd einfachen Knecht/ fampt den kurtzen Wehren/ mit Doppelföldnern/ vmb befferer verwarung willen/ bedeckt vnd vmbgibt:

Alfo auch vnder E. F. G. trefflichen Hochfûrtlichen Autoritet/ gleich einer Ringmaur vmbgeben vnd bewart fein möchte/ gantz vndertheniglich bittende/ E. F. G. wôlle ein folches von mir gnâdiglich auff vnd annemen/ mit fernerm inniglichem begeren/ daß der Allmächtig Gott E. F. G. als ein Befchûtzer vnd liebhaber des reinen Wort Gottes/ in langem leben/ vnd glücklicher Regierung erhalten wôlle/
Datum Vlm/ 7c. den dritten Augufti/
Anno/ 1573.

E. F. G.

Vndertheniger

Leonhardt Fronfperger
Burger zu Vlm/ vnd
Rôm. Key. May Pro
uifioner.

E4^v

Vorrede deß peinlichen Halß-
gerichts.

WJR Carolus der Fünffte von Got-
tes Gnaden Römischer Keyfer/ zu allen zeiten
Mehrer deß Reichß/ König in Germanien/ zu
Castillien/ zu Arragon/ zu Legion/ beyder Sici-
lien/ zu Hierufalem/ zu Hungeren/ zu Dalmati-
en/ zu Croatien/ Nauarra/ zu Granaten/ zu Tol-
leten/ zu Valentz/ zu Gallicien/ Maioricarum/
Hifpalis/ Sardinien/ Cordube/ Corfice/ Mur-
tie/ Giennis/ Algarbien/ Algezire/ zu Gibraltar/ vnd der Infulen Ca-
narie/ auch der Infulen Indiarum/ vnd Terre firme/ deß Meers Ocea-
ni/ 7c. Ertzhertzog zu Osterreich/ Hertzog zu Burgundt/ zu Lotterich/ zu
Braband/ zu Steyer/ Kernten/ zu Krain/ Limpurg/ Geldern/ Wirten-
berg/ Calabrien/ Athenarum/ Neopatrie/ Graue zu Hablpurg/ zu Flan-
dern/ zu Tyrol/ zu Gortz/ Parfiloni/ zu Arthois/ zu Burgundi/ Pfaltz-
graue in Henegauw/ zu Holandt/ zu Seelandt/ zu Pfirdt/ zu Kiburg/ zu
Namur/ zu Roßilion/ zu Ceritan vnd zu 3ûtphen/ Landtgraff im Elfaß/
Marggraff zu Burgauw/ zu Oriftani/ zu Gotiani/ vnnd deß Heiligen
Römischen Reichs Fürft zu Schwaben/ zu Catalonia/ Afturia/ 7c. Herr
in Frießlandt/ auff der Windifchen Marck/ zu Portenauw/ zu Biftaia/
zu Molin/ zu Salins/ Tripoli/ vnd zu Mecheln. Bekennen öffentlich/
nach dem durch vnfer vnd deß Heiligen Reichß Churfürften/ Fürften
vnd andere Stände/ ftattlich an vns gelangt/ wie im Römischen Reich
Deutfcher Nation/ altem gebrauch vnnd herkommen nach/ die minften
peinliche Gericht mit Perfonen/ die vnfer Keyferliche Recht nicht ge-
lehrt/ erfahren oder vbung haben/ beſetzt werden/ vnd daß auß demfel-
ben an viel orthen offtermals wider recht vnd gute Vernunft gehandelt/
vnd entweder die vnſchuldigen gepeiniget vn̄ getödt/ oder aber die ſchül-
digen durch vnordenliche gefehrliche vnd verlängerliche handlung/ den
peinlichē Klägern/ vn̄ gemeinem nutz zu großem nachtheil gefriftet/ weg
geſchoben vnnd erledigt werden/ vnnd daß nach gelegenheit Teutfcher
Landt/ in dieſen allen/ altem langwirigem gebrauch vnd herkommen nach/
die peinlichen Gericht an manchen orten mit Rechtverftändigen/ erfahr-
nen vnd geübten Perfonen nicht beſetzt werden mögen. Demnach haben
wir ſampt Churfürften/ Fürften vnd Stände/ auß gnedigem geneig-
tem willen etlichen Gelehrten/ trefflichen/ erfahrenen Perfonen befohlen/
ein

E5^v

Vorrede.

XXIX

ein begriff/ wie vnd welcher gefalt in Peinlichen fachen/ vnd rechtferti-
gungen dem Rechten vñ billicheit am gemäßen gehandelt werden mag/
zu machen/ in ein form zufammen zu ziehen. Welches wir alfo in Truck
zu bringen verſchafft haben/ daß alle vnd jede vnſer vnd deß Reichs vn-
derthanen/ ſich hinfürter in peinlichen fachen/ in bedenkung der groß vñ
fährlichkeit derſelben/ jetzt angezeigten begriff/ den gemeinen Rechten/
billichkeit vñ löblichen hergebrachten gebräuchen gemäß halten mögen/
wie ein jeglicher one zweiffel für ſich ſelbft zuthun geneigt/ vnd deßhalb
von dem Allmächtigen Belohnung zu empfangen verhoffet. Doch wöl-
len wir durch dieſe gnedige erinnerung/ Churfürften/ Fürften vnd
Ständen/ an jhren alten wolhergebrachten rechtmeffi-
gen vnd billichen gebräuchen/ nichts benom-
men haben.

Ein

L2^v

Kriegßbuch dritter Theyl/

Vorrede.

Folgendt wirt angezeigt vnd erklärt/
Beuelch vnd ämpter on gefährt/
Bey eim Regiment in dem Feldt/
Oder wo man Befatzung helt/
Jeder feinen Beuelch befitzt/
Damit gut Regiment befchützt/
Vnd kein nachtheil dem Hehr erſchein/
So vnder den Reutern mag fein/
Vnd vndern Fußknechten darbey/
Auch Beuelch der Arthollerey/
Darbey zeigt jeder an fein Standt/
So ſie all zuerrichten hand.
Was eines jeden Beuelch fey/
Daß er verrichten ſoll/ darbey
Måniglich wol verſthet vnd ſicht/
Daß man helt Rath/ Recht/ vnd Gericht/
Zu Feldt bey jedem Regiment/
Gleich als an eim friedfamen endt/
Wie jhr folgendt werden verſtehn/
Auch jeden Standt figurirt ſehn.

Der

R6^v

Etliche Artickel einen Kriegß^z
Herrn oder Feldt Oberften betreffend.

DJefen nachfolgenden
kurtzen Begriff oder Jnnhalt/ hab ich
fchlechter einfältiger weiß zu verzeich^z
nen für mich geno^men/ nemlich vnnd
der gefalt/ viel guter nützlicher Lehr
vnd Exempel/ meinē hieuo^r außgan^z
genem Kriegß Rechten Buch/ zu mehrerm bericht vnnd
wolftandt einer weitem erklärunge/ vnnd was gründtli^z
chers verftandts vber etliche hoch vnd nidrige Kriegßfa^z
chen/ Beuelch vnd ämp^ter/ dem einfältigen zu
gut entdeckt worden.

Eingang folgendts Theils.

ERftlich von der Kriegß Herrn oder Feldt Ober^z
yften Sitten/ Gebrauch/ vñ Tugenden erwägliche Artickel/
fampt dero Leutenampt betreffend/ 7c. auch den Feldt Mar^z
fchalcken/ Rittmeister vnd Fändrichen/ mit Läger ordnen/
Feldtchlachten anfchicken/ rath vnd fprach halten/ Sieg vnnd Glück zu
erlangen/ von wach vñ hut/ in oder vor den Lägern/ Befatzungen zu hal^z
ten/ welcher maffen auch groß vnd klein Gefchütz angericht/ gefelt/ mit
befichtigung der Feindt Fetzungen/ Befatzungen/ gelegenheit/ vberfähll/
auff vnd vbergab der Stätt/ Schlöff^r/ Flecken oder Befatzungen/ mit
an oder abziehen der Freundt oder Feindt/ welcher maffen auch auß^r
oder innerhalb der Schantz oder Wagenburgen/ gelägert/ gezogen/
vnd gemeinen erbeuten Gütern zuhalten/ mangel der Prouiandt vnnd
Fütterung/ krancke/ fchwache verftorbene Knecht/ Erbgüter/ vnfauber^z
keit der Läger/ vnd dergleichen viel guter nützer mittel vnnd weg/ welche
folgendts Theil zu erkennen oder vernemen wirt geben.

Wir

S1^r

Vorrede.

CIII

Wir lesen wie daß Carolus Magnus/ wo er nahent den Stätten/
Flecken/ oder dergleichen gewest/ ist er vor allen Geschäften/ sampt sei-
nen Söhnen vnd andern Fürsten vnd Herren/ gern zu der Vesper/ dariñ
man Geiftliche Lieder vnd Pfalmen singet/ gangen/ vnnd selbst das ge-
mein Gebett öffentlich mit großer andacht gesprochen/ vnd wo oder wañ
er mit den Feinden hat schlagen vnd streiten sollen/ hat er sich zuuor in die
Kirchen/ oder ander dergleichen bequeme orth/ mit allen seinen meisten
Beuelchshabern verfüget/ vnnd also einhellig neben andern mit ernstli-
chem Gebett vnd leufftzen/ sich vnd sein gantzes Reich oder Hauffen Gott
dem Allmächtigen Beuolhen/ deßgleichen theten auch seine Sön/ mit
allen KriegßFürsten vnd dapffersten Helden/ welche alle sampt in vollen
Küriffen gar schön mit Goldt gezieret/ vñ eingelegtē leichten Lantzen al-
so demütig vnd andächtig jhr anrufen vñ Gebett/ auch nebē der gantzen
Gemein zu Gott samptlich gethan/ darauff das Sacrament oder A-
bendtmal vnfers Erlöfers Jesu Chrifti/ mit großer Ehrerbietung ent-
pfangen vnnd gebraucht/ damit sie also öffentlich bezeugten/ daß sie die
heilsame Lehr vom Son Gottes mit Hertzen annemen vnnd bekenten/
vnd daß sie durch rechtmäßige vrsachen bewegt werden/ den vorhabenden
Krieg zu vollenden/ vnd daß sie darauff mit ernstem Gebett vnnd festem
vertrauen/ Gottes hilff vnd beytandt theten verhoffen/ vnd damit ge-
wertig wolten sein/ vnd darauff an die Feindt gesetzt.

Item/ wir lesen daß Anthonius Pius der 13. Keyser/ ehe daß er sich
in ein Schlacht oder Streit begab/ ließ er zuuor in allen seinen Lägern
vnd Regimenten vmb blasen vnd schlahen/ daß mániglich was in Streit
gehört/ jung vnd alt/ mit andächtigen Hertzen vnd Gemüt Gott ernst-
lich anrufen/ vnnd ein gemeines Gebett thun folte/ darauff anfahren zu
kämpffen vnnd schlahen/ dardurch er offft mehr Siegs/ dann durch das
Schwert erlangt hat.

Wir lesen auch/ wie daß einer mit namen Hebraim/ das ist bey vns
Abraham/ ein Wafcha deß Türckē/ mit sonderlichen tugendē gegen Reich
vnnd Arm begabt gewesen/ dann er hat seinem Herren dem Türckischen
Keyser Solyman/ fast all sein Leut vnd Landt friedtfam erhalten vnnd
wol regieret/ er ist in allen seinen worten vnd wercken gerecht/ vnd von na-
tur geträuw vnnd sanfftmutig gegen meniglichen erfunden worden/ hat
gern klag vnd antwort gedultig von jedem selbst angehört/ vnd baldt dar-
auff becheidt geben/ er hat alle verlängerung vnd weitleuffigkeit in Recht

ORDA16 D3104

Vorreden:)(2^r-)(4^v, E4^v-E5^r, L2^v, R6^v-S1^v, Aa1^v-Aa2^r, Ff6^r-Gg2^r,
Pp3^v, Pp4^r-Pp5^v, Ccc3^v, Ddd6^r-Eee1^v, Eee2^r-Eee3^r

vnd Gerichts Händeln nicht geduldet/ fonderen jede Parthey auff Klag

S vnd

S1^v

Vorrede.

vnnnd Antwort baldt fein beſcheidt bekommen oder geben/ er hat auch die Klâger dermaſſen gehalten/ daß keiner leichtlich etwas begert vnd gefordert/ welches jhm nicht gebürt hette/ auch die Beklagten gleicher geſtalt gehalten/ w3 ſie zu bezahlen ſchuldig/ erlegen vñ erfattten haben müſſen/ vnd hat in dem Fall jederman die warheit mit Ja vnd Nein/ ſondernlich auch des falſchen Eyds enthalten müſſen/ Jft derwegen von allen Oberſten Waſcha vnd andern/ gar lieb vnnnd werth/ dem Keyſer ſelbſt gleicher Ehren gehalten worden/ nicht allein in Kriegßhândlen/ ſondern in oder mit allen ſachen für ein frommen Patron vnd Regenten lieb gehabt/ daß er der Geburt nach ein Chrift/ vnnnd Leibeigener Knecht deß Schender Baſcha gewefen/ welches Tochter er zu einem Weib bekommen/ hat ſich in Gebârden vnd Sitten gar ernſtlich/ doch mit gütigem Gemût gegen meniglichen/ auch anfehenlichen verhalten/ vnd ſich der Gnaden vnd anſehen bey ſeinem Herrn gar nicht vberhaben/ ſondern allzeit beſcheidenlichs Gemûts wiſſen zugebrauchen/ iſt auch nicht vbermütig/ ftoltz/ freuentlich oder hoffartig gewelt/ Wie daß bey vns Teutſchen der gebrauch vnd das Sprichwort laut: Kein Meſſer härter ſchier/ dann wo ein Betler zum Herren wirt/ 7c. wiewol ſolche auch baldt wider entſetzt werden/ aber dieſer Abraham allzeit in groſſen ehren bey ſeinem Herrn blieben/ ſo andere viel neben jhm auch vmb ſeinet willen geſtürzt worden.

Erwägliche

Aa1^v

Vorrede.

Vorrede vber difer Mitternäch-
tigen Vólcker KriegßOrdnung/ mit Bogen
Gefchoß.

ANno 1541. Jar/
als Carolus der fünfft
Römifcher Keyfer in A-
phrica vor Algiera/ zu
Waffer vñ Landt groffe gefahr fcha-
den vñ nachtheil/ durch das langwi-
rig vngeftüm Regenwetter entpfan-
gen/ dañ damals jhr May das wan-
delbar Glück als zugegen vnd wider
gewefen/ daß mans fo lang jhr Ma.
Krieg geführet/ noch me feindlicher
oder fchädlicher erkeñen hett mögen/
durch welche auch gleich zu anfang
alle hoffnung dahin gewefen/ vnd ge-
noñen/ dann fo bald man daruor an
kommen/ vnd außgetretten/ ift fo ein
kalter Lufft vnd Regenwetter gleich
vmb die erft Wochen angangen/ welches etliche tag vnd nacht an einan-
der gewehret/ daruon der gantz Gezeug zu Rolßz vnd Fuß vberfchütt/ vñ
gar naß worden/ zu dem ift noch viel ein jâmerlichs vngewitter in oder
auff dem Meer entftanden/ welches ohn vnderlaß groß Wellen auffge-
worffen/ vnd die Schiff dermaßen an einander gefchlagen/ vnd etlich biß
an das Landt oder Gefadt geworffen/ vnd gar zu grundt verfenckt/ alfo
daß man fich gar eins erfchrocklichen Schiffbruchs beforgt vnd erdulden
müffen/ als bey Mañs gedächtnuß nicht gefchehen/ noch erlebt worden/
in welcher niderlag fo viel Schiff/ Vieh/ Rolßz/ Mann/ oder Leut/ fampt
der Munition vnd Prouiandt all darzu grundt gangen/ alfo daß man
an etlichen Schiffen bloß oben nur die Segelbäum noch erfehen mögen/
auff welches die Türcken defter mehr gehertzigter/ vnd mit ihrem höchften
vermögen/ an allen orthen den Chriſten durch außfall vnd Scharmützel
mit ihren Bogen Gefchoß zugefetzt/ dañ damit waren fie auch den Chri-
ſten weit vberlegen/ dann jhr Büchfen/ Hacken/ Gefchütß vnd Puluer als
ernaffet vnd feucht/ durch welches gar nichts außgericht mocht werden/
darzu auch alle Zindtfrick vnd Puluerfâffer/ vñ Flefchen der Schützen/

ORDA16 D3104

Vorreden:)(2^r-)(4^v, E4^v-E5^r, L2^v, R6^v-S1^v, Aa1^v-Aa2^r, Ff6^r-Gg2^r,
Pp3^v, Pp4^r-Pp5^v, Ccc3^v, Ddd6^r-Eee1^v, Eee2^r-Eee3^r

alles durchein ernaffet/ also daß vnder 100. schüffen/ nit einer loß gangen.

Hergegen

Aa2^r

Vorrede.

CXL

Hergegen so waren die Türcken an Fußknechten/ Gefchoß vñ Pfeil/ dergleichen an erkandtnuß weg vnd ftraffen/ sampt dem Glück durch ver-
hinderung des vnzeitigen langwirigen Schlagregens wetter/ den Chri-
ften gantz vnd gar vberlegen/ daß der Chriſten hoffnung alles auff jhr Ge-
ſchützt geltanden/ aber gar nichts dardurch außrichten können oder mögē/
Hinwider hetten die Morianifchen Fußknecht/ in folchs wetter gute ftra-
cke Armbroft/ Stålen Bogen/ vnder welchen kein ſchuß fonder ſchaden
abgangen/ darwider das Puluer vnd Handtgefchützt der langen Rohr vñ
Feuwbüchſen alles verachtet/ vñ kein nützt gewefen/ aber jener Pfeil den
Chriſten durch Pantzer vnnd Harnifch gefchoffen/ durch welches ſie tödt-
lich/ ſampt Roß vnd Mann verwundet worden. Zu folchem haben ſie
noch darneben Flitzbogē gehabt/ durch welches ſie auch vnzahlbarlich viel
Pfeil vnder die Chriſten gefchoffen/ der vrfachen Röm. Key. May. Fuß
Gezeug faft vbel erfchrocken/ vnd im wenden von den nacheylenden Tür-
cken an allen orthen erlegt/ erfchoffen/ vnd zu boden geftochen/ auch gantz
jämmerlichen erftochen vnnd nidergeſchlagen/ auch iſt der Hauff in folchem
abzug auff ein halbe Meil wegs erlegt/ daruon auch die gantz Landſtra-
ſen allenthalben voll todten Cörper gewelt/ vnd erfüllt worden/ darzu ſo
ſeindt auch darunder die fürnemſten vmbkōmen/ ſo zu dem Meer geflo-
hen/ dann alda ſeindt ſie von den Mumidern/ welche der Chriſtē Schiff-
brucken erſehen/ vnd zu der Beut hinzu gerandt/ auch allenthalben vmb-
ringt/ vnd durch folche Gefchoß der Pfeil erlegt/ vnnd gar vmbgebracht
worden/ Als nu die Key. May. gefehen/ daß ſie durch jhr Handtgefchützt/
auff welches er ſich meiſtes theils verlaſſen/ auch durch dz langwirig Re-
genwetter betrogen/ vñ nichts außrichten haben mögen/ ſo hab jhr May.
frey haiter beandt/ ſie wölle hinfür darauff bedacht ſein/ vnd dergleichen
alte Gefchoß/ Bogen/ Armbroft/ vnnd pfeil/ nit mehr ſo gar abgehen laſ-
ſen/ oder verachten/ fonderlich auff folches wetter/ gegen folchem Feindt
zu gleich dardurch hinwider begegnen/ vnd zu dem wenigſten auff folches
vngewitter/ in welchem das Puluer vnd Handtgefchoß erfeuchtet vnnd
naß wirt/ mit etlich taufent Armbroften vnd Pfeilen verſehen/ auch leut
darmit vmbzugehen/ darauff beſtellen laſſen/ welche Hiſtori dann auß
Paulus Soffy drittē Theil/ nach lengs beſchrieben/ Derwegen ſo laß ich
mir der Mitternächtigen Länder vñ Völcker/ Kriegßordnung/ gebräuch
vnd ſitten/ an der Wehr/ Waffen/ Armbroft/ vnd Pfeil/ auch nicht ſo vbel
gefallen/ vnnd habs auch damit hiezu geordnet/ auff daß doch meniglich
ſich darin zuerſehen mag haben/ was eins vor dem andern zu
feiner gelegenen zeit/ für frucht vnd nutzen mag

ORDA16 D3104

Vorreden:)(2^r-)(4^v, E4^v-E5^r, L2^v, R6^v-S1^v, Aa1^v-Aa2^r, Ff6^r-Gg2^r,
Pp3^v, Pp4^r-Pp5^v, Ccc3^v, Ddd6^r-Eee1^v, Eee2^r-Eee3^r

fchaffen.

Aa ij Von

Ff6^r

Vorrede.

CLXXVIII

Vorrede vber diß Theil/ an die
Chriftlichen Kriegßleut zu bedencken/ welcher
maffen der Túrck fie biß her verfolget
hat.

DJeweil zwifchen vns Chriften vnnd
dem Tyrannifchen Túrcken keiner verföhnlichen
einigkeit zugewartē/ fonder viel mehr neidt/ haßz/
widerwilln vnnd verbitterung zuuerhoffen/ wel-
ches dann durch kein ander mittel oder weg/ dann
Krieg vnd Blutuergiessen/ hingelegt vnd vertra-
gen kan vnnd mag werden/ fo lang vnd viel/ biß
der ein theil den andern gantz vnd gar außrott/
vertreib vnd zu boden ftürtzet/ derhalben ein vnnachläßiger Krieg vnnd
verfolgung/ mit würgen/ morden/ raub vnd brandt/ todtfchlagen vnnd
fchieffen/ weil die zwey Reich gegen einander befehen/ zugewarten fein
wirt.

Vnnd dieweil jederman jung vnd alt bewuft/ welcher maffen der
Túrck mit den armen gefangnen Chriften vnd andern/ fo vnbarhertzig
vmbgehēt/ fo hab ich etliche folgende Hiftorien hin vnd wider auß andern
Büchern zufammen gezogen/ auff das meniglichen darinn zusehen hett/
wie jämmerlich folche gehalten/ nach dem fie gefangen werden/ wann man
aber die warheit dörrfte reden/ fo gefchehe oft einem oder manchem kaum
recht/ dann keiner zeucht mehr von Ehren wegen in Krieg wider diefen
Feindt/ fonder viel mehr vmb deß eygen nutztes willen/ fich hoch vnd
nidrigs ftandts dahin begeben/ wie fie betrug/ finantz/ hochart/ pracht/
frefsen/ fauffen/ vnd anders vngöttlichs leben mögen führen vnd treiben/
das gehet jhnen alles hin/ aber vnfer Herr Gott licht jhnen in die lenge
nicht zu/ werden letztlich fein bezalt/ vnd alfo geftrafft/ welches ich felbft
mehr dann zu viel gefehen vnd erfahren habe.

Nach dem nun der Túrcken Gefetz nicht allein wider allen menfch-
lichen/ natürlichen/ vernünfftigen/ Philofophifchen/ Aftrologifchen/ vnd
Localifchen verftandt/ fonder viel mehr Göttlichem Gefatz zum allerwi-
derwertigften/ vnnd die gantze lehr/ leben/ vnd Gefatz/ erfreckt fich auff
Viehifche willfahung/ erfattung/ vnd erfüllung aller fleifchlicher vnnd
fchändtlicher luft/ mit heßlichen Ketzereyen/ fabeln/ lügen/ Sodomiti-
fchen

Ff6^v

Kriegßbuch dritter Theyl/

fchen gråuweln/ mordten/ zwang/ vnnd folcher maß gefchaffen/ das eini-
gem erbarn menfchlichem Verftandt kaum möglich geacht/ das von je-
mandts geglaubt köndt oder möchte werden/ Dann weil das Gefatz an
jhm felbft gråuwlich/ viel gråuwlicher vnnd doller müffen die Menfchen
fein/ fo folchem Gefatz vnderworffen findt/ vnd fürwar Gott der Herr hat
vber die Menfchen Kinder kein befchwerlicher ftraff vn̄ plag gehen mögē
laffen/ dann mit folchem Viehifchen verftandt jhre Hertzen zu verblenden/
Welches Mordtgefatz ift den mehrertheil der Welt/ nemlich das kleiner
vnd gar hernach das gröffer Afiam/ darzu Aphricam/ vnd einen guten
theil Europam/ wie ein rechte Sündtfluß vberfrichen/ vnd nun bißher
die drey gewaltige Patriarchaten/ nemlich Alexandriam/ Antiochiam/
vnnd Conftantinopel auffgefrefsen/ folcher maßen/ daß man kaum von
einem recht innwohnenden Chriftin in den gantzen Prouincien zufagen
weiß/ die aller gewaltigften Keyferthuñ/ Königreich/ Fürften/ Herr-
fchafften// Communen vnd Stätt/ Landt vnd Leut/ verhängt vnnd ver-
ftöret/ vnd das alles von wegē der boßheit deß Menfchlichen Gefchlech-
tes/ Dañ erftlich in der Orientifchen Kirchen/ fo viel Ketzereyen eingerif-
fen/ vnnd mit den fchändtlichften Sünden beflecket/ nachmals in folche
fpaltung/ trennung/ vnd Secten erwachfen/ neid vn̄ mordt vnder einan-
der begangen/ wie die Neftoriter gegē den Jacobiter/ auch ander mehr/ 7c.
biß jhn Gott ein folche Geyfel aufferweckt/ dardurch fie verzehrt vnd ver-
fchlungen/ wie folches auch an das hochlößlich alt vnnd aller gewaltigt
Keyferthuñ Griechen kommen ift/ vnd wir mit vnfern fichtbarn Augen
fehen vnd wiffen/ daß Gott der Herr jhrer lafter vn̄ fundt halben alfo ver-
hängt/ fpaltung vnd trennung vnder jhnen erregt/ das jimmer ein Poten-
tat/ deß andern verluft zugesehen/ vnd das wirckt der neidt vnnd eigner
nutz/ dann in dem Jar 1353. in zeiten Amuraten deß Türckifchen Keyfers
deß namens der erft/ kamen deß Conftantinopolitanifchen Keyfers zwen
Söne/ vätterlicher Erbſchafft halb in zwang/ da ruffet der jünger Bru-
der/ obgenandten Amuraten vmb hilff an/ vnnd bracht alfo die Türcken
erftmals in Europam/ der thet jhn beyftandt/ führeten aber den Krieg zu
eygnem nutz/ biß daß beyde Brüder in Armut/ das Landt in verderbung
brachten/ da fie jhm nun kein widerftandt mehr thun möchten/ da nam er
Galipoli ein/ vnd alfo ift er vn̄ feine Nachkommene in Griechen fort bro-
chen/ jetzt einem/ dann dem andern hilff bewiefen/ biß fie gefchwächt/ vnd
zu letzt all felbft auffgerieben haben/ wie dann gefchach/ nach dem Keyfer
Conftantinus vmbkam/ vnd Conftantinopel verloren/ waren die Alba-
nefer auff/ wolten Herrn Thomam vnd Demetrium/ Paleologen/ hoch-

ORDA16 D3104

Vorreden:)(2^r-)(4^v, E4^v-E5^r, L2^v, R6^v-S1^v, Aa1^v-Aa2^r, Ff6^r-Gg2^r,
Pp3^v, Pp4^r-Pp5^v, Ccc3^v, Ddd6^r-Eee1^v, Eee2^r-Eee3^r

gedachtes Keyfers Conftantini Bruder/ auß Peloponefo vertreiben/
rieffen

Gg1^r

Vorrede.

CLXXV

riefen beide theil den Türcken vmb hilff an/ der ftundt den Paleologen bey/ wurden feine Tributarij/ vnd vbergaben jhm jhrn angefallenen Titel deß Griegifchen Keyferthumbs/ kurtze zeit darnach/ muft Thomas vor dem Türcken feinem Schutzherrn entrinnen/ der nam jhm Peloponnesum/ (ift das edelft vnd mächtigft theil in Griechen geweft) ein/ alfo gefchach nach abfterben Herrn Lazari in Ceruiam/ fein verlaffene Wittib/ ruffet dē König von Vngern/ vnd deß abgetorbenen Lazari Bruder den Türcken vmb hilff an/ der bewiß hilff/ nam aber d3 Landt felbft ein/ auff dife weiß habē fie fo vil gewaltige Königlich/ Fürftenthumb/ vnder Potentaten/ in Europa/ nemlich Traciam/ Macedoniam/ Atticam/ Peloponnesum/ Arcadiam/ Epirum/ Bulgariam/ Wolfena/ vñ die Ober Seruiam/ die allerbeften gewaltigften reicheften/ vnnd fruchtbarften Länder/ fo auff der Welt je geweft feindt eingenommen/ vnd fo jämmerlich erſchleiff/ verhergt/ vnnd im Grundt verderbt/ zu dem vnd vber das alles die Heilige Religion vnfers Chriftlichen Glaubens vertilget vnd außgerottet/ vnd vnder das Viehifch vnd Mordt Gefatz kommen/ vnnd bey allem diefem jamer fehen wir je/ daß diefen graufamen Tyrannen nie kein rechter widerftandt gefchehen/ dann wie gefagt/ die Griechen (welche an jhn felbft fo mächtig geweft/ daß fie dem König Xerri auß Perfia/ der fie nach der ſag Herodoti mit fünff vñ zwentzig mahl hundert tauſent Mannen vberzoch/ widerftandt theten) in großem zwang geftanden/ daß auch zuuor die Venediger/ Genuer/ vnd Florentiner Lumpen vonn jhnen geriffen haben (vnd nicht die geringften) keiner dem andern beyftandt thet/ wiewol der Keyfer Conftantinus in feiner Belägerung vñ jüngften not/ das Römifch Reich vnd Kirchen/ darumb zum höchften angerufft/ aber da waren vnſere Hertzen verftopfft/ vnd jhnen kein hilff mitgetheilt/ gleich wol der Bapft Pius deß namens der ander/ nach dem verluſt der Statt Conftantinopel/ im Conſilio zu Mantua/ vmb den Türcken auß Eropazuuertreiben/ ſich fait bemühet/ aber Gott wolts nicht verhängen/ dann als bald erhuben ſich groffe Krieg im Teutſchlandt zwifchen Sachſen vnd Baiern/ Jtem die Frantzofen fielen in Apulia vnd Naplag/ da war ein vnmäßige groffe auffruhr/ part vnd zertrennung/ Jtem/ Franckreich gegen Burgundia/ Jtem/ in Engellandt/ dergleichen in Hiſpania/ alfo waren allenthalben empörungen/ daß diß fürnemen nicht ins Werck bracht wurd/ mitler weil brache diefer Wüterich für on widerftandt/ dan was die hochlöblichen Vngerifchen Könige/ vnd der theuwer Heldt vnd Fürft in Epiro/ Herr Jörg Caſtriot genandt Schandterben gethan/ nach deffelbē tod/ fein Landt ſampt dem beften theil Dalmatie auch ver-

ORDA16 D3104

Vorreden:)(2^r-)(4^v, E4^v-E5^r, L2^v, R6^v-S1^v, Aa1^v-Aa2^r, Ff6^r-Gg2^r,
Pp3^v, Pp4^r-Pp5^v, Ccc3^v, Ddd6^r-Eee1^v, Eee2^r-Eee3^r

fchlicket/ vnd jetzt leider die Vngern durch jhr spaltung/ auch deß Türcken
Gg hilf

Gg1^v

Vorrede.

hilff vnd huld begert/ der jhns zufchanden der Chriftenheyt/ wie allen andern die fein begeren/ geleyft/ alfo daß wir nit allein lehen/ fonder greiffen müffen die Sprüche der lieben Propheten/ als wol als in zeiten der Jüden/ gewaltiglich in fchwang gehen/ die Handt vnnd Geißel Gottes vber vns/ Nun ift die fach jetzt an vns gewachfen die wir lange zeit im Rosen-garten gefeffen findt/ vnfern Nachbauwrn durch die Finger zugefehen/ an denen wir ein gute Rinckmaur gehabt/ jhr obligen vnnd vndergang wenig behertzig/ nun follen wir wiffen/ daß wir ein gewaltigen/ ich fag mächtigen/ mächtig fag ich tyrannifchen/ ja nach Chriftlichem Blut durftiger/ dann der gejagt Hirfch nach frifchem Brunnen/ ein beharrlichen Kriegßmann zum Nachbauren haben/ vnd fo ferr vns Gott gnedig fein wolt/ fo ift vermittelt feiner Gnaden/ Teutfche Nation an macht/ dapfferkeiten/ vnnd manheit/ fampt aller Kriegßrüftung diefem Wüterich gnugfam widerftandt zuthun/ wo man mit Gottsförchtigem ernft/ vnnd rechter dapfferkeit/ träuw vnd redlich zufamen wolt/ aber leider ficht man den fehl bey vns/ vñ deß alle Landt vndergangen feindt/ nemlich in dreyen Worten bechloffen/ Gottlofe/ Neidt oder fpaltung/ vñ Eygner nutz/ für war vns ift das heilig Euangelium fürgetragen/ lehet an die verftockung vnferer Gemüter/ je mehr wir es hören/ ja bekennen müffen/ je fündlicher wir werden/ ja mit den aller fchändlichften laftern befleckt/ neben dē neidt/ fpaltung vnd zwitracht/ ift leider nit allein in vnfer heiligen Religion/ (das doch an jhm felbft Teutfcher Nation zum aller fchwereften ift) fonder auch ein folcher neidt vnd mißgunft/ mit allen böfen gefchwinden Practic verhafft/ daß im grundt kein Fürft/ Prelat/ Adel/ Stätt/ Bürger/ 7c. vom minften biß zum meiften/ vnd alfo widerumb ein ander weder träuw noch holdt findt/ vergunt ein jeder dem andern das jhm Gott geben hat/ es verlöre einer ein Aug/ daß fein Nachbauwr gar blindt were/ vnd ob wir fchon die groffe gefahr lehen/ fo befleißt fich jederman/ daß keiner zu viel thue/ jmmmer einer auff den andern fihet/ der eigen nutz hat aller Menfchen Hertzen eingenommen/ welches dann meniglich offenbar/ Billich folt vns das edelst Keyferthumb Griechen/ das mit fo viel herrlichen vnd allergewaltigften Königreichen vnd Potentaten geziert gewesen/ fo jhrer ftändt vnd trennung halb aller zu grundt gangen/ ein Spiegel fein/ vnd daß das wort der ewigen warheit/ Omne regnum in fe diuifum defolabitur, &c. war fey/ erkennen/ vnd diefen jamer zu Hertzen vnd Gemüt führen/ vnd nit allein daß wir von einer fo tyrannifchen vnmenfchlichen Oberkeit vberherrfchet/ fonder auch den fchmertzten betrachten/ wo zu vnfer Jungfrauwen/ Kinder/ vñ derfelben Samen/ fort

ORDA16 D3104

Vorreden:)(2^r-)(4^v, E4^v-E5^r, L2^v, R6^v-S1^v, Aa1^v-Aa2^r, Ff6^r-Gg2^r,
Pp3^v, Pp4^r-Pp5^v, Ccc3^v, Ddd6^r-Eee1^v, Eee2^r-Eee3^r

an (wie vnfere Nachbauwren) vnder vnd in fo fchwerlichs/ verdañlichs/
hellifch

Gg2^r

Vorrede.

CLXXVI

hellſich vnd Teufeliſch Gefatz/ zu verluſt der Seelen kōmen vnd erwach̄fen w̄rden/ Ja ſo wirdt ſich gewißlich ein jedes Gottfeliges ehrliebhābendt mannlichs Gem̄ut erhaben/ vnd ſich auff wagen/ durch hilff deß Allmächtigen/ mit darftreckung Leib/ Gut/ vnnd allen mannlichen kr̄fften/ ſein Vatterlandt/ Weib vnd Kindt/ Wittwen vnd Wayfen/ von ſolcher Tyranny zu erretten/ auch begirig ſein zu dem fürnemſten ſtück das darzu dienet/ nemlich mit den Niniuiten/ rechtſchaffene Buß thun/ vnfer elendt bekennen/ Gott für augen haben/ neidt/ haß/ vnnd krieg/ auch den eygen nutz beyſeit ſetzen/ recht ernſtlich/ beharrlich/ nach erforderte notturfft darzu thun/ So iſt nich zu zweiffeln/ der Allmächtig Gott/ des Handt zu helffen nicht abkürtzt/ werd vns den beyſtandt erzeigen/ wie er dem König Ezechia gegen Sennacherib/ der auch den lebendigen Gott geſchm̄het hatt/ wo wir aber vns nicht anderſt darein ſchicken werden/ iſt zu beſorgen/ die Rut vnd ſtraff Gottes werd vnfer als wenig als der andern verſchonen/ dann wir je ein Regiment/ leben vnnd thun führen/ das nicht zu glauben möglich.

Vnd damit man gewißlich ſehe vnd wiß (wie leider am tag iſt) wie weit der Erbfeindt Chriſti/ in ſo kurtzer zeit/ weil er in Europam kōmen/ fürbrochen vnnd eingewurtzelt/ ſo wil ich zu erbärmlicher bewegung/ der Menſchen Gem̄üter/ hienach ein kurtzen begriff ſetzen/ vnnd anzeigung thun/ der Herr geb daß wirs alle zu Hertzen vnd Gem̄uth führen/ vnd vnfer leben in Göttlichen willen ſchicken vnd verpflichten/ Amen.

Gg

ij

Anthō

Pp3^v

Kriegßbuch dritter Theyl/
Vorrede Leonhart Fron-
fpergers.

NACH dem ich hievor langeft/ vnd auch noch der
zeit/ von allerley Kriegßrechten/ auch dern Be-
felch vnnd ämpter/ sampt anderen thun vnnd
laffen/ der hoch Teutfchen art/ fitten vnnd ge-
brâuch befchriben/ hat mir vnder anderen auch der Al-
ten Römer/ vnd fonderlich Sexti Julij Frontini Kriegß
liift/ rânck vnd anchlâg auch gefallen/ vnnd folches hie zu
mit anzuhängen/ in Truck verordnet/ vnd außkommen
zu laffen/ gantz nottûrfftig erkendt/ nemlich vnnd der ge-
ftalt/ auff daß mânnigklichen auch fehe/ vnd fich zu erin-
nern môcht haben/ was für vnderfcheidt zwifchen den al-
ten Kriegßleuten/ mit allem thun vnd laffen/ gefchwin-
den liften/ rânck/ raht/ vnd anchlâgen/ fo darzu nûchtern
vnd mâffiglichen gelebt/ ab welchen wir vor andern wol
ein Exempel oder beyfpiel zu fchöpfen vnd nehmen/ folten
vnns auch billich darnach zu richten/ vnnd will auch in
dem fall diß nachfolgentem Buchs/ feinem rech-
ten Author die ehr/ vnnd nicht mir
zugemeffen haben/ 7c.

Marcus

Pp4^r

Vorrede.

CCXXVI

Marcus Tacius/ wüñfchet dem
gütigen Lefer alles guts.

SEitemahl Gott der Himm̄lich Vatter/
feines ewigen Sohns/ vnfers Herren Jefu Chri-
fti ehr/ namen/ vnd glauben/ des Türckifchen Ty-
rannes wütung zuerretten/ ſich erzeigt/ auch alle
Chriftliche Fürften/ vnnd Ständt des heyligen
Römi. Reichs/ mit ſampt andern from̄en Herr-
ſchafften/ ſein Göttliche Genad verliehen/ ſie zu
eynigkeit (er geb daß die lang were) geleytet/ vnd
dem Ertzfeindt vnfers Chriftlichen Glaubens/ ernentem Türcken wider-
ftandt zuthun bewiefen hat. Jft es nun weiter angelegen/ daß nicht durch
vntugendt/ vnd Kriegß mißuerftandt der jhenigen/ ſo folchem Zug vorfte-
hen/ die Schantz oberfehen (dauor Gott der Allmächtig ſein wöll) vnnd
als verganges Jars verſpielt werde/ dann wie groß vnd ſtarck ein Hauff
jimmer ſey/ woh nicht die Hauptleut auch behertzet/ gemäß/ fürſichtig vnd
gerecht ſeindt/ wenig vertröftung auff allen gewalt zu haben ift. Vnd wie-
wol folcher tugendt/ zu vnfern diß augenſcheinlichen Kriegs Hauptleu-
ten/ ſich alles guts zuuerfehen/ möcht dennoch an den Jungen vnerfahr-
nen Hauptleuhten der fürſichtigkeit halben (vielleicht andere tugendt an-
gefehen) was gemanglet werden/ welchem in alleweg fürzukommen/ vnd
ein jeder frommer Chriſt ſeines beſten verftandts/ als viel möglich/ darzu
raht vnnd that zugeben ſchuldig ift/ Damit wir nicht vnden ligen/ vn-
fers Heylandts Jheſu Chriſti verneynen/ Frauwen vnd Jungkfrauwen
ſchwächen vnd verſchâmen/ Kinder ſpiſſen/ Hab vnd Gut verhör̄gen/ vñ
hinführen ſehen müſſen/ vnnd vns ſelbs im elendt durch vnfern höchften
Feind/ zu Schandt vnd Spot nackendt am Viechmarckt/ in ewige dienſt
pflicht verkauffen laſſen. Derhalben weil ich der Perſon/ vnd des guts
vnfers Herren vñ Erlöfers Ehre zuerrettē/ keine/ oder gar kleine hilff thun
kan/ habe ich ein ſondern Schatz/ meine Bücher/ ein Türckenfteuwer zu-
geben angegrieffen/ vnnd den Gelähr̄tten fürſichtigſten Hauptmann/
Julium Frontinum/ vom Latein zu Teutſch verändert/ damit alle Haupt
leut/ gefchickte vnd vngeſchickte/ die gefchickten ein erinnerung vnd denck-
buch/ jhrer ſelbs Kunſt/ auff andere gleichmäßige griff zuerdencken/ die
vngeſchickten/ ein vnderriecht beſſers verftandts hierauß nemen/ vnnd zu
aller not gehalten mögen.

Pp4^v

Kriegßbuch dritter Theyl/

Hoff auch/ mich diefer mühe nicht gar vergebentlich vndernommen zu haben/ zuuor so gläublich ift/ nicht alle vnere Kriegßleuthe/ Türckifcher macht vnnd arger lift/ gewisse erfahrung zu tragen/ nemlich als die/ so mit ihm noch nicht so oft angetreten/ vnnd die auch/ so solches schon gethan/ fonder viel nichts außgericht haben/ dann allein/ was der Durchlechtig Hochgeborn Fürft/ Hertzog Friderich/ Pfaltzgraff bey Rheyn/ vn̄ Hertzog in Obern vn̄ Nidern Bayrn/ 7c. mein gnediger Herr/ vn̄ der Edel getreng Ritter/ Herr Sebastian Schertel/ meiner gebietenden Herrn von Augspurg Hauptmann/ gethan/ so bemeltem Türcken etlich viel tauſendt erschlagen/ die andern gejagt/ Wien/ vn̄ das gantz Ertzhertzogthumb Osterreich/ vor Türckifcher gefängknuß beschützt vnd beschirmpt haben. Dann auch so dickers mals/ d^o Scythiern/ Parthiern/ Daciern/ Traciern/ Capadociern/ Triballern/ Phrygiern/ Lidyern/ Egyptiern/ so dem Türcken vnderthänig/ vnd anderen/ so ihm auch anhängig gefein möchten/ als der Perfiern/ Armeniern/ Mediern/ Indiern/ vnd jhrer mächtigen Königen/ des Xerxes/ des Cyri/ des Pori/ des Mithridates/ des Tigranes/ vnnd viler mehr/ hierin meldung geschicht/ wie sie oft mit vnflüglichen groß menigen Volcks/ von den Europifchen/ so jetzundt die Chriſten genehet werden/ mit kleinem Häufflein geschlagen/ vnnd gar vertilget worden feindt/ möchte es dennoch vnfern Leuten ein Hertz schöpfen/ vnnd anleytung geben/ sie gedachte Türcken/ auch durch follich/ oder dergleichē anſchlag anzugreifen. Vnd als man/ vielleicht warer ſag/ für gibt/ der Türck habe erftlich drey mahl hundert tauſendt bey sich/ mache darnach drey hauffen/ ein schlechten/ ein mittelmäßigen/ vnnd ein gewaltigen/ er führe auch der Camelthier viel: Wirdest du zwar hierin auch sehen/ fürnemlich im erften/ andern/ dritten/ vierden/ vnnd fünfften Capitel des andern Buchs/ wie allweg die beste Kriegßleuth/ Römer/ Carthaginenfer/ vn̄ andere auch solches gethan/ oder ihm fürkommen feindt/ Als Lucullus/ der zween Königen/ Mithridates vnd Tygranes/ vnflügliche menig/ ehe die jhr Ordnung gemacht/ vberylet vn̄ mit kleinem Volck vberwundē habe. Vnd Hanibal den größten gewalt der Römer/ die vnhülfflichsten zugegen gefelt/ herwiderumb aber König Philippus/ sein dapffersten Knecht/ den schwächsten Illyriern fürgefetzt/ vnnd auch also jhr Ordnung erbrochen habe. Also auch wider vnfern Feindt den Türcken/ weil er die schwächsten im erften Hauffen hat/ wenn man denselben mit eim starcken gewalt darnider erlegt/ brächte man erftlich auch die nachfolgendt dapffer Feindt in schrecken/ vnd machet den vnfern ein Hertz/ auch den verzagten/ wie in allen Hiſtorien von rechtgefchaffenen Hauptleuthen bechehen sein/ gelesen wirdt.

ORDA16 D3104

Vorreden:)(2^r-)(4^v, E4^v-E5^r, L2^v, R6^v-S1^v, Aa1^v-Aa2^r, Ff6^r-Gg2^r,
Pp3^v, Pp4^r-Pp5^v, Ccc3^v, Ddd6^r-Eee1^v, Eee2^r-Eee3^r

Vnd fo auch Crófus der Kónig/ ein gewaltigē Reyffigen Zeug der Fein-
den/ mit

Pp5^r

Vorrede.

CCXXVII

den/ mit Camelthieren abgefchreckt vnnd zertrennet hat/ mögen vnfer
 Leuth auch darbey abnemen/ vnd vnfer Pferd daruor hütten/ weil auch
 Ariftoteles vnnd Plinius/ von fonderm Haß derfelben/ gegen den Pferd
 ten/ ſchreiben. Solche Thier aber/ vnd Elephanten auch/ hat man vorzei
 ten/ in der Ordnung raumb gelaffen hinein zukommen/ vnnd darnach zu
 der zeiten darein geftochen/ ſie/ vnd was darauff gewefen/ erfchoffen/ vnd
 alfo vmbbracht. Was ſage ich aber von dem allein? alles ſo zu eim Krieg
 gehöret/ hat dieſer vnfer Lehrer/ gantz Kriegeriſcher art/ ordenlich beſchri
 ben/ Erftlich wie man vor angehender Schlacht/ die Rahtſchlåg verber
 ge/ vnd erfahre/ ein Kriegßordnung erhalte/ mit vortheyl durchziehe/ dem
 Feindt nachſtelle/ mängel fürkome/ die Feindt zertrenne/ Auffruhr ſtille/
 zu rechter gelegenheyt vmbſchlage/ die Knecht darauff reitze/ vnd die forcht
 hindann ſetze/ Darnach der Schlacht halben auch/ wie man der zeit er
 warte/ vortheyl des orths ſuche/ Ordnung mache/ zertreñe/ nachſtelle/ ſich
 verhüte/ vnfall verhäl/ wider auffkomme/ Siegs gebrauche/ ſchaden ein
 bringe/ die wanckelmütige beftättig/ Wagenburg errette/ vnnd entrinne/
 Vber das/ die Belägerung belangendt/ wie man die in Stätten/ Schlöß
 fern/ vnd Bergen/ vbereyle/ betriege/ zu verräterey locke/ zu abgang brin
 ge/ zu harren erzeige/ Befatzungen ertrenne/ Waſſer abgrabe vnd meyde/
 die Belägerten erfchröcke/ gehling einfalle/ auffer locke/ abzuziehen ſtelle/
 Auch ob wir belägert würden/ wie fleißig auffgeſehen/ Bottſchafften/
 Hilff/ Prouiant/ auß vnd ein gebracht/ ſich aller reichlichheyt in vnferem
 abgang erzeyget/ den Verräthern fürkommen/ außgebrochen/ oder ſteyff
 beharret werde. Zu letzt/ von der Kriegßzucht/ vnd deren nutz/ vom ab
 bruch/ von der gerechtigkeit/ von der ſtandthafftigkeit/ von der maßlig
 keyt/ vnnd allerley guten Anſchlügen/ alſo daß ſich billich keiner/ ſo hoch
 vermeffen ſolt/ ſolches alles zuuerachten/ vnnd für vntäuglich zu dieſem
 Zug zu achten/ fonder ehe alles leſen/ vnd gleiche fündt darauff weiter er
 dencken. So habe ich mich auch/ der vnuerftändtlichen Teutfch/ ſo jetzt
 die Hohe geheiffen wirdt/ nicht hart bearbeytet/ fonder mich täglich ge
 übtter Wott befließen/ dann wiewol ich der Cantzeley/ jhr ſcharpff weyt
 gefuchte Teutfch/ vnuerworffen laß/ bin ich doch allweg des Cicerons vnd
 Caij Julij maynung gewefen/ feltzame Wörter zu meyden/ vnnd allein
 eygentlich vnd bräuchlich zu reden/ weil je vnnd allweg/ Soleciſmus für
 ein groß vbelltandt inn einer Spraach gehalten worden/ des die hohe
 Teutfch/ alle voll iſt. Halt auch der Kriegeriſche wort halben/ mich von
 niemandt zu ſchelten/ dann ob ich ſchon weiß zu Latein/ was Pedites,
 Equites, Claſſes, Imperator, Dux, Legatus, Tribunus, Signifer,

ORDA16 D3104

Vorreden:)(2^r-)(4^v, E4^v-E5^r, L2^v, R6^v-S1^v, Aa1^v-Aa2^r, Ff6^r-Gg2^r,
Pp3^v, Pp4^r-Pp5^v, Ccc3^v, Ddd6^r-Eee1^v, Eee2^r-Eee3^r

Teffararius, Centurio, Papilio, Prohaftatus, Ferentarius, &c.
feindt/

Pp5^v

Vorrede.

feindt/ vnnd zu Teutfch auch/ was ein Feldthauptmann/ Mufterherr/
Marfchalck/ Vndermarfchalck/ Reyffigen Oberfter/ Krießbråht/
Schultheiß/ Zeugmeifter/ Leutenant/ Zeugwardt/ Quaftor/ Quar-
tiermeifter/ Startmeifter/ Prouiandtmeifter/ Kreißhauptmann/ Fen-
derich/ Ouaftator/ Weybel/ vnd dergleichen/ noch dennoch/ ift kein Latei-
nifcher Nam/ der etwan mit eim obermeldtem Teutfchen wort/ fich durch-
auß vergleiche/ darumb ich auch bitt/ mich inn folchem fall vngefåhret zu
fein/ fonder daß mein getreuw gutuermeinte Arbeyt/ freundtli-
cher gefalt auffgenommen vnd außgelegt werde/ Hiemit
was dir lieb ift/ geben in Ingoltatt/ den 25. tag
Juni/ im 42. Jar kleiner zahl nach
Chrifti geburt.

Sexti

Ccc3^v

Kriegßbuch dritter Theyl/
 Vorrede vber diß folgendt
 Bancket.

DJefe nachuolgende Hiftori/ von dem
 vberflüßigen/ vngöttlichen Bancket oder Mahl-
 zeit des Königs Solimans/ hab ich fürnemlich
 darumb hieher zugeordnet/ auff das meniglich zu
 sehen hab/ wie daß Gott je vnd allweg der hoffart
 vnd vberflüßigkeit in effen vñ trincken/ sampt der
 prächtigen Kleidung feindt gewelt/ vnnd gefür-
 tzet/ Also ifts auch diefem König gefchehen/ welcher von dem Türcken/ fo
 damals gegen ihm gar eines geringen anfehens/ vberwunden/ vnnd den
 prächtigen König/ sampt allem feinem Kriegßuolck vberlegen vnnd er-
 ſchlagen worden/ Also gefchicht vns gegen ihm auch/ fo oft wir wider den
 Türcken ziehen/ rüften wir vns mit faulen ſchweren Pferden/ Büchfen/
 Spieß/ Harniſch vñ Gewehr/ Federbüſchen/ Sañat/ Seiden/ Kleider/
 Gefchmuck/ Silbern vñ Gũlden Ketten/ Ring/ vnd w3 dergleichen mehr
 zur hoffart dienet/ darbey muß auch die fülle an der Prouiandt ein vber-
 fluß mit geführt/ groſſe Fäſſer mit Bier/ Wein/ vnnd anders/ damit wir
 tag vnd nacht voll vnd toll/ darauff ein ander ſelbſt beſchädigen/ lahm vñ
 krum̄ hauwen/ gegen dem Feindt ſein wir nichts werth/ So hergegen der
 Türck ſeine leichte Pferd/ ſchlechte Kleider/ geringe Wehre/ an Tartſchē/
 Copy vnd Spieß/ kein vberfluß in effen vnd trincken gebraucht/ führt ge-
 meinlich jeder ſein ſpeiß mit ſich/ gewehnen jhre Pferd auff die Weide/ zu
 grafen/ alfo kompt er fort/ vnd ift vns wie damal dem Soldan gefchehen/
 hierin weit vberlegen.

Also ifts auch diefem König begegnet/ welcher alfo ein vberflüßigs
 Bancket mit effen vnd trincken geführt/ vnnd darzu ein vberauß groſſen
 pracht der Kleidung/ dergleichen nie gefehen noch gehört worden/ welches
 der König mit feinen Oberſten/ Fürſten/ Herrn vnd Kriegßleuten gehal-
 ten/ darob ohn zweiffel Gott zum hochſten erzürnet/ daß ſolcher König/
 ſampt allem feinem Kriegßuolck hoffart/ erlegt vnnd erſchlagen worden/
 Vnnd ift einem Kriegßmañ ſolches Bancket wol zu ſehen/ auff daß er ein
 Exempel neme/ wie Gott den vberfluß/ pracht vnd hoffart/ je vnd allwe-
 gen geſtrafft/ vnd dargegen die jenigen/ fo ſich in demut gemäß
 vnd züchtig gehalten/ mit Siegreicher vberwin-
 dung begabet.

Von

Ddd6^r

Vorrede.

CCC

An den Chriftlichen Låfer.

ES ift ein gemeyn Sprichwort bey den Gelåhrten/ darinnen man fagt. *Vino vendibili non opus effe hædera fufpenfa.* Einem guten Wein darff man keinen Krantz oder Zeichen außftecken/ er verkaufft fich doch wol. Achte es derhalben vnnötig/ allhie etwas fernner von dem Meifter diefes Buchs vnd feinem werck zuſchreiben: Dann oben in der Vorrede/ vber die Bücher in gemeyn feiner auch gedacht/ fo wirdt das Werck den Meifter felbft loben oder ſchelten/ vnnnd der geſchmack wol außweiſſen/ ob der Wein gut oder böß/ füß oder fauwer/ vnd tüchtig zuuerkauffen fey. Wiewol zubeforgen/ weil er die mißbräuch durch alle Ståndt/ fonderlich aber im Geiftlichen Standt/ wie ſie vielleicht vor vnd zu feinen zeiten gewaltiglich vberhandt genommen/ vnd im ſchwanck gangen/ fo hårt angreiffet/ kein Blat fürs Maul nimpt/ den ſchwären an dem Orth/ da er reiff ift/ rühret vnnnd trucket/ daß diſer Trunck nicht jederman ſchmæcken/ vnd die es låfen/ nicht alle wolgefallen darab tragen/ einer auff dieſe/ der ander auff ein andere weiß daruon vrtheylen werden.

Dann es ift vmb die Menſchliche verderbte Natur alfo gethan/ weñ vns gleich vnſere ſelbft eygene gewiffen rühren/ vnd vberzeugen/ daß wir der dinge/ welche vns zur befferung fûrgehalten/ oder fûrgefchrieben werden/ ſchuldig/ feind wir doch alfo eygen willig vnd verblendt/ daß (wie der weiße Philoſophus Seneca fagt) wir vnſere gebrechen/ mängel/ vnnnd lafter viel lieber beſchönen vnnnd entſchuldigen/ als erkennen vnd ablegen wollen. Vermânteln vnd verblümen alfo vnſere Sünde/ wohmit/ vnd ſo lang wir können/ biß ſie einmahls außbrechen/ vnd an die Soñen kommen/ können auch nicht leiden/ daß man ſie endecke oder angreiffe.

Wie ſol man ſich nun darein ſchicken? Es ift wahr/ wie etliche vernünftig vnd bedächtigt daruon ſchreiben vñ lehren/ Man ſolle den Mantel nach dem Windt hencken/ In allen dingen maß vnd mittel treffen/ vnderſcheid der Perſonen/ vnnnd gelegenheit anderer Circumſtantien halten vnd machen. Aber nichts wenigens wil es nicht allezeit/ vnd von allen geheuchlet ſein. Dañ weil die Philautia vñ der Eygentunckel alle Menſchē/ fonderlich aber die in dignitetē vnd hohen ehren vom glück erhaben/ vñ für and^{er}n etwas anfehenlichers in diſer welt ſind/ verblendt/ fticht/ vñ anſichttet/ muß

Ddd6^v

Vorrede.

tet/ müffen auch gegen den Heuchlern widerumb fromē/ treuwe/ verftāndige/ gefchickte Leut fein (wie fonder zweiffel difer Johan Auentin nebē andern mehr feines gleichen gewefen) die im fall der noth/ vnnd gefährlichen zeiten/ der warheyt Patrociniere/ nichts vnder die Banck ftecken/ für künfftigem vbel warnen/ rahten/ vnnd wenn es von nöthen auch mit der fcherpff bedräuwen/ vnd obligende befchwernuß vnnd vnglück vorher anzeigen. Also fein gewefen von anfang der Welt/ in vnd auff der Kirchen/ im Alten Teftament/ die Propheten/ vnd Gottes Männer/ Im Neuen Teftament Johannes der Täuffer/ alle Apofteln/ vñ Chriftus felbs/ welche die mißbräuch vnd Abgötterey/ der Jüden vnd Heyden/ beyde in dem Gottesdienft in der Kirchen/ vnnd an der groffen Potentaten König vnd Fürften Höfen zum hefftigften getroffen/ vnd vor künfftigem vnglück verwarnet haben. Also auch fein gewefen bey den Heyden die Philofophi vnd Satyrifche Schreiber/ welche allefampt die Lafter vnnd mißbräuch jhrer zeit/ hart getroffen vnd angegriffen habē. Vnd also wil es noch heutigs tags von nöthen fein/ weil die letzte zeit/ nach anzeigung der heyligen Schrift/ gefchwinder/ vnd alle Sünde vnd Lafter mehr vberhandt nemen werden/ daß man bey allen Ständen/ im Geiftlichen vnnd Weltlichen Regiment vermane/ bedräuwe/ ftraffe/ vnd fie für künfftigem vbel vnd vnglück verwarne/ auff daß die jhenige fo zur befferung/ vñ jhrem felbft gedeyen/ heyl/ vnd feligkeyt/ beruffen/ dardurch erinnert/ nicht fampt mit diefer fchnöden böfen Welt verderben vnd zu boden gehen.

Wir fehen in der täglichen erfahrung/ daß ein guter treuwer Artzt/ der es mit feinen Patienten vnd Krancken träuwlich vnd wol meynet/ nit allezeit mit jhnen fchertzet/ fondern nach gefalt der fchwachheyt gibet er linde oder fcharpffe Artzney/ Entdeckt jhnen jhre gebrechen/ verwarnet fie für allem fo dem fchaden entgegen/ vnd weñ es die noth erfordert/ ehe daß er wolte den gantzen Leib verderben laffen/ fchneyt er vnd brennet hinweg gantze gelenck vnd Gliedmaß/ damit die vbrige gefunde Glieder vnnd der fchwache beym Leben erhalten werden/ fraget nicht darnach/ es thue dem Kranckē wol oder weh. Also auch/ treuwe/ fromme/ verftändige Råhte vñ Lehrer/ fagen woran der mangel/ zeigen vrfachen an beyde nutzēs vnd verderbens/ kützeln oder jucken nicht die Ohren/ denen/ mit welchen fie es träuwlich meynen/ fondern rühren vnd trucken das Gefchwer/ da es reiff ift. Folget man/ fo hat es feinen weg/ woh nicht/ fo haben fie das jhr gethan.

Dann folche verftändige/ warhaftige treuwe Leut/ wöllen viel lieber jhren felbft fchaden/ denn deren/ welche fie mit treuwen vnnd Eydtsw

ORDA16 D3104

Vorreden:)(2^r-)(4^v, E4^v-E5^r, L2^v, R6^v-S1^v, Aa1^v-Aa2^r, Ff6^r-Gg2^r,
Pp3^v, Pp4^r-Pp5^v, Ccc3^v, Ddd6^r-Eee1^v, Eee2^r-Eee3^r

pflichten zugethan/ verderben vnd vndergang fehen vnd erfahren. Achten
den erften

Eee1^r

Vorrede.

CCCI

den erften zorn nicht hoch/ weil sie bey der Warheytt stehen/ vnd mit gutem gewiffen dieselbige vertreten/ schützen/ vnd handthaben. Denn es heißt bey jnen/ Amicus Plato, Amicus Aristoteles, magis amica Veritas, darbey bleiben sie/ ob es jnen gleich nit allezeit (wie dieser Auentinus sich bald im eingang dieses Buchs beklagt) vnd bey allen in die Kuchen trägt/ So schaffet jnen doch Gott Fürsten/ Herrn/ vnd Oberkeit/ welche jr trauen wes wolmeyndts gemüth von falschen vnd vntrauwen Rächten zu vnterscheiden wissen/ jhrem Raht folgen vnd gehorchen/ vnd vnder welchen sie jhren schutz vnd schirm/ vnderhalt vnd zuflucht/ wider die Feinde der Warheytt haben können.

Vnd were nicht gut/ daß alle fromme Christliche hohe vnd andere Oberkeyten/ also hart verblendt vnd der Warheytt entgegen/ daß sie nur allein an den Ohrenjuckern hiengen/ vnd nicht für sich selbs auß hohem verstandt sehen oder wissen köndten/ wer es trauulich vnd wol meynt/ jhren schaden vnd verderben verhütet/ vnd nutzen suchet oder befördert/ Sonsten würde es mit allen Regimenten bald ein end haben/ vnd gethan seyn.

Also hat dieser Meister Johan Auentin auch seine Patronen vnd Schutzherrn vnder vnd bey den Hochlöblichen Fürsten auß Bayern gehabt/ welche jhm/ vnangesehen daß er von seinen Widersächern vnd mißgünstigen oftmals hart vnd beschwerlich eingelappt vnd angetragen worden/ gleichwol den rucken gehalten/ vnd gleich wie Keyser Seuerus den Mantel vber seinen trauen Rahtsfreunde Vlpianum geworffen/ vnd beschützt haben.

Fürwar in diesem Mann ist nicht allein der groffe eyffer/ den er gehabt/ sonderlich vber die Geiftlichen mißbräuch/ so vor vnd zu seinen zeiten gewaltiglich in die Christliche Kirchen eingeriffen vnd vberhand genommen hatten/ zuuerwundern/ sondern es ist auch dafür zuhalten/ daß er einen sonderlichen Geift hat habē müssen/ welcher jn getrieben/ daß er sich gleich im anfang/ zu der zeit wie Luther erftlich den Ablaß angefochten/ da die verfolgung am größten/ vnd die Christlichen Kirchen am verworrensten vñ verbittertsten vber diese Lehr gewesen/ so hart wider die mißbräuch der Kirchen/ vñ Verfolger der warheytt/ vnder welchen er doch gleich wie Daniel vnder den Löwen gewohnet/ hat legen vnd setzen dörfen. Darauß denn scheinbarlich folget/ daß jhm Gott auch gleich wie andern frommen Christlichen Lehrern vor vnd zu der selbigen zeit/ vnd noch/ seine Schutzherrn gehen vnd verfehen/ vnder welchen er sein leben (welchs er auff sechs vñ sechs- tzig jar bracht) sicher vollführen möcht vnd köndte. Welches zwar allen

ORDA16 D3104

Vorreden:)(2^r-)(4^v, E4^v-E5^r, L2^v, R6^v-S1^v, Aa1^v-Aa2^r, Ff6^r-Gg2^r,
Pp3^v, Pp4^r-Pp5^v, Ccc3^v, Ddd6^r-Eee1^v, Eee2^r-Eee3^r

frommen Chriftlichen tråuwen Hoffrånthen/ Lehrern/ vnd Gefchichtfchrei-
Eee bern

Eee1^v

Vorrede.

bern ein fonderlicher Troft vnnd Freuwde billich fein folte/ wenn fie der= gleichen Exempel im Geiftlichen vnnd Weltlichen Standt/ voriger vnnd jetziger zeit/ hören/ läfen vñ erfahren/ denen Gott der Allmächtig bey frommen Chriftlichen Gottsförchtigen Potentaten/ Fürften vnnd Herren/ fo gnediglich befürdernet/ Hütten vnd Wohnung befchert vnnd verſchafft hat.

Zum Befchluß wil ich dißmahls den Chriftlichen Lãfer gebeten haben/ er wölte den Priuat affect hindann gefetzt/ diß Buch mit auffrichti= gem gemüth/ vnd vnpartheyifchen Augen vnd Ohren anfehen/ lefen/ vnd vrtheylen/ Auch die zeit wenn er fo häfftig gefchribē/ vnd wie es dazumahl vmb die Chriftliche Kirchen vnd Weltliche Regiment/ fo wildt vnnd wüft gefanden/ wie der Geiftliche gewalt fo weyt vber die Weltliche Oberkeyt vberhandt genommen/ diefe für jhenem fo gering geacht/ vñ hart getruckt worden/ behertzen vnd zu gemüth führen/ Vnd als denn ein vn= partheyifch vrtheyl vnnd außſpruch vber diß Buch fel= len/ vnd erkennen/ wie ferr er von dem Zweck oder Ziel gefchoffen habe.

Den

Eee2^r

Vorrede.

CCCII

Den Erbarñ/ Achtbarñ/ vnnd
wolweyßen Herrñ/ N. N. 7c der Statt/ 7c. Regenpurg/
meynen gebietenden gũftigen Herrñ/ entbiet ich Johan^s
nes Auentinus Gottes Segen/ Heyl vnnd freundtli^c
chen Gruß.

JCh hab jmmer lange zeit/ vnd nemlich
drey Jar her/ fieder der Vngerifch Kõnig erfchla^s
gen ift worden/ Schriftlich/ Teutfch/ Lateinifch/
vrfachen der fchwâren Lâuff vnnd Gewifen zeⁱ
chen vnfers kũfftigen verderbens anzeigt/ etliche
Gewaltigen/ Geiftlichen vnnd Weltlichen zuge^s
fchickt/ trâuwlich gewarnet/ Aber es ift niemandt
zu Hertzzen gangen/ Man hat nur das gefpõtt
darauß getrieben/ vnd habe darnach nichts anderft (bey etlichen die mehr
auff Geldt/ dann Gerechtigkeyt halten) dann vngunft verdient/ Dann
die Warheynt nicht jedermans fug ift/ tregt nicht allwegen in die Kuchen/
macht mehr neydt/ dann gunft/ dann lie ift (wie die alten Heydnifchen
Poeten fchreiben) ein grobe Bâuwrin/ kan nicht fchmieren/ redet nicht wie
es jederman gern hõret/ Geben/ zaubert die Leuth/ vnnd fchmiren machet
linde Hâudt.

Es hat wol lãnger/ dann vor dritthalb hundert Jaren/ der Groß^s
mãchtigeft vnnd witzigeft Fürft/ Keyfer Friderich/ der Ander/ der gewal^s
tigft Kõnig zu Jerufalem/ Sicilien/ vn̄ Neapolis/ Hertzog in Schwaben/
Dergleichen darnach Keyfer Heynrich der Siebendt/ Graff zu Lützel^s
burg/ vnd fein nechfter Nachkommer im Reich/ Keyfer Ludwig der vierdt/
fo zu Mũnchen ligt/ Pfaltzgraff am Rheyn/ Marggraff zu Branden^s
burg/ Hertzog in Bãuern/ Holandt/ Seelandt/ Hennagauw/ Kernten/
Graff zu Tyroll/ durch Schrift trâuwlich die gantze Chriftenheit gewar^s
net/ Auch dann bey vnfer zeiten Keyfer Sigmundt/ vnnd Keyfer Maxi^s
milian. Keyfer Sigmundt hat auch ein Reformation außlaßen gehen/
ift Getruckt worden zu Augfpurg wol vor dreyßig Jaren. So hat auch
Keyfer Maximilian ein Bũchlein wider die Stãnde des Reichs/ fonft
auch ein Schrift wider den Bapft Julium/ vberal in die Welt gefchicket/
vnd fein aller jetztgenandter Keyfer Schrifften/ Bũcher vnd außfchreibē/
noch vorhanden/ vnd nun im Truck außgangen/ darinn alle mãngel/ ge^s
brechen/ gewarnuß/ hilff vnd raht/ vor kũfftigem verderben vbrig genug
entdeckt fein.

Eee2^v

Vorrede.

Jch lihe niemand dem es zu Hertzen gehet/ darnach fragt/ jm nach-
kompt/ rahtſchlagt/ darauff gedacht iſt/ wie man die Sach angreiff/ dem
künftigen vnglück fürkâm/ der meiste theyl glaubts nicht/ treibet nur das
geſpött darauß/ meynet es werd nicht darzu kommen. Demnach möchte
ich gleichwol biß zu meiner zeit/ ein weyl zu vnnd durch die Finger fehen/
vnnd mich vmb gar nichts bekümmern/ folcher gewarnuß (weils niemandt
zu Hertzen gehet/ vnd folche groß obgenandt/ verftändig Fürften vnd Her-
ren/ König vnd Keyſer/ niemandt mit jhren Schrifften bewegen können
noch mögen) müßig ſtehen/ gar ſtill ſchweigen/ darzu Gott walten laffen/
vnd nur allein meiner Haut warten. Dieweil aber euwer Weißheytt mich
betten haben/ ich ſolte in dieſem jammer (ſo jetzt der Türckiſch Keyſer ſo
ſtarck vor Wien vnd in Oſterreich ligt/ vnd vns das Waſſer in das Maul
wil gehen) euch obgenandte Schrifft zuhanden ſtellen/ hab ich folches ge-
than/ vnd fleißig alle ding wider vberſehen/ vnd abſchreiben laffen/ dann
euwer Weißheytt/ vnd euwer Weißheytt Freundschaftt/ das vnnd anders
mehr/ wol vmb mich verdienet haben. Daß aber alles deſto verftändiger
ſey/ deſto leichter im Kopff gefaßt möchte werden/ iſt diß Buch inn fünf
Theyl getheylt.

Im erſten werden angezeigt/ die vrfachen folches jammers.

Zum andern gewiße zeichen noch größers verderbens/ thut man
die vrfach nicht ab.

Zum dritten/ wie ſich die alten Chriſten/ Heyden/ Jüden/ gläubig/
vngläubig/ in ſolchen nöten gehalten haben/ was jnen begegnet ſey/ ſo ſie
ſolche gewarnung verachtet/ der nicht war genommen haben.

Im vierdten theyl wirdt angezeigt/ wie man vorkömen ſoll/ folchem
jämmerlichen ſterben vnd verderben.

Zum letzten/ das herkommen der Saracenen vnd Türcken/ Jre Krieg
wider die Chriſten/ die Züg wider ſie auß Teutſchlanden/ daruon etlich
vngelährte/ ftoltze/ blutigirige Theologi/ Prediger vnnd Pfaffen/ gar faſt
(wie faſt jr art iſt) liegen.

Jch ſchreib alles guter meynung/ warnungs weiß/ niemandt zu lieb
noch zu leid/ wie die Sach ſchlecht an jhr ſelbſt iſt/ vnd am tag ligt/ wie der
Bauwer an der Soñen/ Damit ein jeglicher ſeine tödtliche Wunden vnd
Kranckheytt erkenne/ vnd in ſich gehe/ vnnd rahtſchlag/ demnach die vnge-
nad/ den ſchweren zorn/ ſchwer plag vnd vrtheyl Gottes (dareinn jhr euch
ſelbſt legt/ vnd vber die gantze Welt gehet/ weyter gehen wirdt) lehrne/ vnd
gleich wol ſehe/ wie er demſelbigen entrinnen/ daruon ledig werden möge/
ſuch gnad vnd gefundtheytt/ frage nach dem Artzt/ lauff zu jhm/ wer nicht

ORDA16 D3104

Vorreden:)(2^r-)(4^v, E4^v-E5^r, L2^v, R6^v-S1^v, Aa1^v-Aa2^r, Ff6^r-Gg2^r,
Pp3^v, Pp4^r-Pp5^v, Ccc3^v, Ddd6^r-Eee1^v, Eee2^r-Eee3^r

kranck wil fein/ der fragt nach keinem Artzt nicht/ ja er wüñchet jm keinē/
Darumb

Eee3^r

Vorrede.

CCCIII

Darumb hat Gott die zehen Gebott geben/ vnnd machet sie Christus so
 ftreng vnd hart in der erften Predig auff dem Berg bey Mattheo/ damit
 der ftoltz Menfch/ vnd die blind Natur jhr elend zu Hertzen nemmen/ dann
 Gott wil allein Herr fein/ låßt fein Ehr keinem andern nicht/ fein höchter
 Nam vnd Ehr/ daß er allein gerecht/ fo mächtig/ gütig/ vnd gnädig ift/ daß
 er dem (der es von Hertzen begeret/ sich demütiget) helffen/ jhm die Sünd
 verzeihen/ jhn gerecht machen mag vnd wil. Christus ift allein der gnaden
 Stul/ gewaltiger felbft Regierender Herr im Himmel/ Hell/ vnd auff Er-
 den/ der ewig recht natürlich Bapft/ vnd Keyfer/ vnfer Artzt/ verfönung/
 vnd Gerechtigkeyt/ darbey muß bleiben in Ewigkeyt/ sag jederman darzu
 was er wöll/ dabey müffens bleiben laffen/ sie wöllen oder wöllen nicht/
 die vngelährten/ ftoltzen Bluddürftigen Prediger. Alle Menfchen feindt
 Lügener/ fagt der König Daud in feinen Geiftlichen Liedern/ Aber ein
 jeglicher meynet er sey gerecht/ vnd fromb/ wil vngeltrafft fein/ wil wiffen
 was er thun vnd laffen foll/ vnd helt doch gar kein gebott Gottes/
 nicht das minft/ wenn mans bey dem liecht recht beficht/
 vnd ligt darumb in der fchweren ftraff/ vngnad/ vnd
 vrtheil Gottes/ deñ der das minft nit helt/
 ift in allē fchuldig. Doch ift es ge-
 nug von diefem/ ich kom
 an die fachen.

Eee iij Von